


陝西通志



第十一卷

山川四

漢中

榆林

DS  
793  
S4535  
1735  
v.11







陝西通志第十一卷

山川四 漢中府 榆林府

漢中府南鄭縣

旱山

旱一作嶧

在縣西南二十里

寰宇記

瞻彼旱麓榛桔濟濟

詩經大雅

旱山名

毛傳

南鄭縣旱山池水所出

漢書地理志

旱山下有祠列石十二不辨其

由蓋社主之流百姓四時祈禱

水經注

山上有雲即雨傍有石牛十

二頭下有石池水

周地圖記

一名嶧山

賈志

漢山在縣西南三十里四峯

八面東臨老渚河北距漢水南接巴山有池水

雍大記

山勢奇偉其

右為鳩谷谷有棲真洞又有孤雲神女祠迤東不數里有茅溝山

凌高峻削明末席增光隱其上有茅溝山記

府志

鳩谷在縣南二十

里

輿地紀勝○按南鄭治自唐宋以來未嘗移徙則寰宇記所云必非無據疑漢早以音近而訛而後人遂分以為二山也又漢

志池水出旱山而雍大記池水出漢山益為可據



寶山 在縣北十餘里舊傳山中得寶珠又相近有白雲嶺嶺上有

白雲屯聚故名

輿地紀勝

玉井洞在縣北十五里

賈志

玉井在玉井觀南

水色白人謂飲此可療病

雍勝畧

俗傳宋時大雷雨忽於污泥中湧

出老子石像因於此立祠有風洞在座下深不可測投草其中即

吹出

府志

獅子山 在縣北四十里形如獅子上有寶峯院下有佛洗潭

雍勝畧

潭在獅子山西南水自懸崖下注其潭有三地險水深

府志

七峰山 在縣北五十里七峰峭拔宋蘇軾曾遊於此又相近為王

子山形如畫屏

賈志

聽山 在縣西北西抵壻水小溪

輿地紀勝

壻水北發聽山

水經注

俗傳唐

公房仙去壻歸惟聞空中歌管聲因名聽山

賈志

一作助

臺山 在縣西北七十里頂平如臺郡治枕其岡脉有飛泉數百



尺下為深潭號佛子潭賈志山谷石皆堅潤有金星者製硯甚佳俗

號石碑谷又其上有楞伽谷縣志

龍岡山 在縣西十里相傳梁天監中有龍鬬於此輿地紀勝龍岡北臨

漢水南帶廉津華陽國志南鄭縣有龍岡山隋書地理志

中梁山 在縣西十五里賈志南鄭縣有中梁山唐書地理志漢中記云以

其鎮梁州之中故名輿地紀勝山脉西自沔縣定軍山來橫山之腹有

乾明寺雍勝畧一統志云在南鄭褒城之界潛確類書亦見褒城縣

立石山 在縣西南三十里又相近有玉泉嶺輿地紀勝並詳見褒城縣

玉京山 在縣西南四十里旱山之陽一峰尖聳又相近為鶴騰山

賈志山接褒城界有鶴騰崖鶴騰泉縣志並詳見褒城縣

黃牛山 在縣西南五十里又相近有青銍山賈志華陽縣有黃牛山

魏書地形志○後南鄭縣有黃牛山隋書地理志山有石黃色遠望如



牛因名山下有黃牛川十道記云黃牛川有再熟之稻土人重之

寰宇記

籠蓋山 在縣西南五十里其南麓與巴山相接老渚河源出於此

雍勝畧

寶頂山

頂一作鼎

在縣西南七十里與青銍山相接

賈志○詳見褒城縣

金華山 在縣西南七十里與巴山相接峭峰特起左右環遶傍有

數泉合爲一池

輿地紀勝○詳見褒城縣

雙乳山 在縣西南七十五里

府志○詳見褒城縣

高望山 在縣南二十里

縣圖

峨公山 在縣南六十里宋元嘉十一年蕭承之進據我公山擊敗

楊難當軍梁土民思承之功於峨公山立廟祀之

縣冊

仙臺山

一名玉女山一名米倉山

在縣南百九十里一名玉女山高峻不可登上



有古城三門道經云仙人玉女所居之地故名寰宇記南鄭縣有玉

女山唐書地理志仙臺山在南鄭縣一名米倉山與大巴山相連有

韓信廟及截賢嶺云蕭何追韓信至此輿地紀勝廉水縣今屬褒城界米倉山

高聳摩雲登其巔則襄沔洋鳳俱歸一覽縣志

大巴山一名巴嶺在縣南百九十里東濱漢江與三峽相接山南即古巴

國元和志廉水出巴嶺山水經注孤雲山在廉水縣東南百七十里相

連者曰兩角山輿地紀勝巴山綿亘深遠冬夏積雪不消中包孤雲兩

角米倉諸山南與四川巴州之小巴山接縣志

石臼嶺在縣東南八十里府志

幞頭山在縣東南百里以形似名又嵩壩洞在縣東南小黃村高

崕壁立前臨深澗洞當半崕有飛橋洞中極寬廣巉巖萬狀石乳

參差輿地紀勝



梁州山一名梁山在縣東南百八十里其西與孤雲兩角諸山相接大山

四圍其中三十里許甚平廣或云古梁州治也輿地紀勝梁州山一名

梁山縣志

武鄉谷

在縣東北縣志在府東北三十里蜀封諸葛亮為侯國十道志

按府志云在城北門內疑誤

駱谷 在縣東北百二十里自洋之真符至此屈曲八十里八十四

盤姜維伐魏出此

賈志駱谷在南鄭縣北通盤屋駱谷關雍勝畧

漢水

在縣南三里自褒城界流入又東入城固界

禹貢雖指

汚至漢中

東流為漢水

書孔傳

漢水自合褒水又東逕漢廟堆下又東過南鄭

縣南合廉水又右合池水又東得長柳渡

水經注

漢水經縣南去縣

一百步

元和志詳見圖考

褒水

一名黑龍江

在縣西二十里自褒城界來南流至龍江舖西小柏鄉



入漢縣冊○詳見襄城縣

廉水 在縣西南四里自襄城縣來東北流入于漢府志華陽縣有廉

水魏書地廉水出巴嶺山北流逕廉川故水得其名又北注漢水

水經龍岡山北有廉津廉水所經寰宇記

老渚河即池水一名獠子在縣南十里源出籠蓋山經城東南十五

里北流入漢府志旱山池水所出東北入漢漢書地池水出旱山俗

謂之獠子水夾溉諸田散流左注漢水水經旱山下有石池即池

水之源寰宇記老子水在廉水縣源出米倉山下流合石劒等水號

老子溪即酈道元所謂獠子水也輿地紀勝○按獠子既訛為老子而老渚又即老子之訛則所

云老溪者當亦即此水也冷水河源出漢山又紅花水亦出漢山合流入于老

溪縣冊

壻水即左谷水一名聽水又名智鄉水在縣西北又東流入城固界一名聽水縣冊左



谷水出漢北卽智水也北發聽山山下有穴水穴水東南流歷平

川中謂之智鄉水曰智水川

水經注

玉女潭 在縣西南二十八里源從襄城縣南梁山流入

寰宇記

東湖 在城東南塔影映照湖中爲郡佳景

府志

蓮花池 在縣南十里

府志

白鹿池 在縣東北三十里相傳曾有白鹿見於此

雍勝畧

金龍井 在城內相傳有黃龍見於此

雍勝畧

湧泉 在縣北六十一里天臺山其泉地中行人於泉上砌一井深

一尺五寸水深四寸後欲請此水禱雨以瓶著井中水自湧起灌

於瓶內因以名之

雍勝畧

明珠井 在縣西南三里

縣志

襄城縣



霧山 在縣西北七十里絕頂有嵯高百尺橫數十步縣境高山

此為第一上有水痕如龍黑白各四顛倒懸掛其東西橫截者為

橫當山在縣西北百三十里乃雲霧北界也

賈志

伏虎山

一名饅頭山

在縣西北一里俗呼饅頭山又縣北一里曰黃土坡

府志

連城山

一名漢王山

在縣北六里下臨褒水相傳為漢王練兵處亦名漢

王山

賈志

山內有瓢塔高一丈餘傍有水池俗傳漢王築

雍大山地記

有十二峰連接如城壘皆平曠可居峯各有池其下有黑溝泉東

麓又有龍潭渚水深廣昔有於此得龍蛻者時或有巨蟹大魚出

没人莫敢近又縣北入谷十五里曰鷄翁山即連城後山也突起

高峰狀類鷄冠又縣北二十里有桃源坡

府志

箕山

在縣北二十里

縣冊

山上有池四時不涸俗呼秦王獵池山南



有穴號丙穴有谷號道人谷卽鄭子真所隱處又七盤坡在縣北

二十里

輿地紀勝

丙穴出嘉魚常以三月出十月入地穴口廣五六尺

去平地七八尺泉懸注魚自穴下透入水穴口向丙故曰丙穴下

注褒水褒水又東南歷小石門石門穿山通道六丈有餘刻石言

漢永平中司隸校尉楊厥所開建和二年太中大夫王升嘉厥開

鑿之功琢石頌德以爲石牛道卽秦時所開厥蓋因而廣之蜀都

賦曰咀以石門門在漢中之西褒中之北

水經注

世代綿遠通塞不

恒自晉氏南遷斯路廢矣崖岸崩淪澗閣堙圯南北各數十里車

馬不通正始元年漢中獻地褒斜始開至石門北一里西上鑿山

爲道峭阻盤迂行者苦之三年刺史羊公表求自回萬以東開初

追路至永平二年畢工閣廣四丈路廣六丈皆沿溪棧壑硤險梁

已自回萬至谷口二百餘里連輶駟轡莫不夷而通焉

後魏王肅石門銘



蜀諸葛亮遣趙雲鄧芝等據箕谷卽此又七盤山頂曰鷄頭山出

褒谷

雍大記

七盤山在縣北十里鷄頭關下盤迴七轉方至山頂由

此入連雲棧山頂有風洞山下有穴大如斗名魚洞自清明至穀

雨有魚從穴中出

府志

石門在縣北十里鷄頭關下此門通可避七

盤之險又南三十步爲手扒崖崖南五十步有一點油石

縣志

龍峯

在縣北二十五里山下巨石峻峭突出有如龍首直走烏龍

江岸波濤吞吐如龍之吸浪其相近爲麻坪左遶江流右倚林麓

亦山市也又縣北二十六里有老君崖

府志

黃草山

在縣北四十里東臨褒水卽連雲棧諸山

雍勝畧

青橋山

在縣北五十里山形險峻緝木以度樹蘿蒙密歲寒不凋

又青橋河北岸有石突起叢薄中前昂後伏宛然若虎名曰虎石

府志



松尖山

在縣北六十里青橋西山峯尖聳奇松挺植又石尖山在

縣北七十里青橋山後石峯聳出與松山對亦即連雲棧諸山也

府志

衙嶺山

在縣北

縣冊

武功縣褒斜二水俱出衙嶺山

漢書地理志

褒水西

北出衙嶺山

水經注

褒水出褒城縣西北九十八里衙嶺山

括地志馬

道山在縣北九十里馬道驛西其東溝巨石宛有馬跡又鳳凰山

在馬道驛東北山張兩翼形如飛鳳一名太白山又縣北九十五

里為燕子崖

府志。按括地志所云衙嶺山今以道里計之疑即馬道鳳凰石筍四州諸山也

石筍山

在縣北百二十里馬道山迤西山下有龍潭廣一畝許遊

者至潭隈相戒毋聲欬有之則徹底清潭頃刻渾濁見者無不駭

心又相近有迴水洞在焦壩舖南石崖下褒水至此一派潛入崖

穴東通城固縣壻水河

府志



四州山 在縣北入斜谷一百三十里與武關驛相對登之可望見  
襃沔洋鳳諸境故名又縣北二百里九石坪在深山茂林之中  
其地平廣可種藝人罕至者府志

雲夢山

一名社壇嶺  
一名觀山

在縣西北五十里牛頭山後與雲霧山並峙古

名社壇嶺又名觀山陟頂二十里頂最平坦最高處爲雲夢觀觀  
東一里爲飛仙崖石峯壁立高三百五十五丈相傳有仙女飛昇  
於此崖之下曰白龍洞高五丈濶倍之深數步許下有石池二水  
滴池中不溢不涸旱禱則應觀西三里有青龍洞深丈餘亦有石  
池三水自上滴入由洞口流出又後有聖水洞石井深丈餘水從  
底峽中出又觀南一里曰牡丹坪又相近者曰照壁山其陽岡嶺  
逶迤通雲霧諸山其陰峻峭方正形如屏風又縣西北六十里曰

黃草坪

府志



赤崖

一名赤岸

在縣西北褒斜閣道之所經也亦曰赤岸蜀漢置赤岸庫

以儲軍資又孔明與兄瑾書曰頃大水暴出赤崖以南橋閣悉壞

卽此

縣志

牛頭山

一名戴笠山

在縣西二十五里其相近有仙人洞臨漢水

府志

武鄉

縣有牛頭山

魏書地形志○武鄉縣今屬南鄭魏屬褒中郡

褒城縣有牛頭山

唐書地理志

山

高百仞其上雲覆如笠卽雨故後人號爲戴笠山

寰宇記

山有巨石

似牛頭故名其下有靈液泉

雍勝畧

石人山

在縣西五十里上有石峯如人形故名

府志

赤谷嶺

在縣西南十里又縣西南五十里有乾龍洞在娑羅關南

洞高數丈內有小溪自北壁下流出洞底禱雨者執火而入路多

曲折約行三十里可達華山洞

府志

鶴騰巖

在縣西南六十里

縣志

三巖相接狀類畫屏寶積院有殘碑



載昔人於此駕鶴仙去巖半有三石洞深邃莫測其下有瀑布泉

府志

馬鞍山 在縣西南九十里山麓有泉東流入廉水

府志

華山 在縣西南百十里根盤百里許有華山洞在縣西南九十里  
高大深邃內有靈湫禱雨輒應又山之相近者曰寶頂山中峯高  
聳望雲之起滅可卜晴雨又縣西南百二十里有月崖其形如月

府志

中梁山 在縣南三十五里麓擁高陵勢若積穀爲縣之屏山襄民  
從此入縣有三道最東曰相公嶺原名猴子嶺中曰土地垵最西  
曰石梯口石路崎嶇自南而北如下井自北而南若登天巖半有  
石刻其畧云一應鹽權不得從山過蓋紹興五年也迤西孤峯突  
起者曰大孤山在縣西南二十五里迤東對相公嶺屹立兩河口



者曰小孤山在縣東南二十五里又玉女洞在中梁南麓去縣四十里相傳有玉女飛昇於此洞門高廣外遶溪流從峽下懸爲瀑布漚爲深潭左有一穴如甕人嘗見巨蛇自山而下入八中又

數步有水湧出名玉女泉山半有洞曰龍王洞云

府志

天池山 在縣南四十五里上有穴曰風洞春夏多風秋冬有氣上騰亦謂之氣眼頂有池不涸又縣南五十里有大壺山形似壺又相近有火石嶺石色皆赤又有玉泉嶺一名薤谷岡

府志

覆斗山 在縣南六十里又其左有金星山相近者爲伏龍原今名

石灰寺口

府志

立石山 在縣南八十里頂有大石無心搖之則動

府志

東連青銍西

接金華

賈志

雙山 在縣南八十里兩山橫列而秀麗相似故名

府志



青銍山 在縣南九十里山多杉檜其頂有石如銍又相近有虎頭山形如伏虎山半有洞府志

金華山 在縣南九十里上有三教廟從外望之層巒疊嶂包裹有有如蓮花自內視之逶迤平曠最爲幽勝山半有洞相傳爲龍蟄處又相近有雙乳山廉水經其中兩山並峙如乳又真身洞在縣南八十里金華崖蝦蟆石南內有金飾真身坐於巖龕相傳不知何代時洋縣有張令解組寂定於此傍有石刻蝕剝不可考又相近有金水坪在鐵峪壩南府志

孤雲山 在縣南百二十里與兩角山相連上有石刻云漢相國何追韓信至此府志孤雲不掩興亡事兩角曾懸去住心王仁裕詩興元南有路通巴州其路深溪峭巖捫蘿摸石一上三日達於山頂行入止宿則以絙蔓繫腰縈樹而寢不然則墮深澗如淪黃泉也復登



措大嶺蓋有稍似平處徐步而進若儒之布武其絕頂謂之孤雲

兩角彼中諺云孤雲兩角去天一握淮陰侯廟在焉

玉堂閑話

玉映山 在縣南百九十里初人不識此山明嘉靖三十年早有神

附於人云山有靈液可取致兩人隨神所指入山見石洞有刻字

云玉映山麒麟洞乃賁火具入洞數里如下井見巖溜下垂凝結

若柱又歷數門始及泉淵澄莫測沙際有牛足跡疑卽麟跡也取

水而出果大雨後再取水又雨至今遇旱必禱

府志

藏劍巖

在縣東南二十五里

府志

俗傳漢高祖藏劍於此

輿地紀勝

漢山

在縣東南七十里自西而東迤三十五里

府志

東北距漢水南

接巴山其頂有靈液池接南鄭界

縣冊○詳見南鄭縣

黃鹿谷

一名鹿堂谷

在縣東二十里谷中多鹿土人亦名黃鹿山

寰宇記

名鹿堂谷

輿地紀勝



褒谷

一名南谷

在縣東北十里自此入連雲棧西北一百五十里入鳳縣

界又二百二十里直抵郿縣之斜谷今亦謂之南谷所謂南口曰

褒也

縣志

漢王之國良送至褒中

史記留侯世家

褒谷在梁州褒城縣北五

十里南中山

史記正義

良木攢於褒谷

左思蜀都賦

褒中縣南口斜谷水源

在北南流經褒中故北口曰斜南口曰褒同一谷耳長四百七十

里

蜀都賦注○褒中故城在縣東

褒水自小石門又東南歷褒口即褒谷之南口

也

水經注

褒谷山在縣北五里

元和志

中間谷道褒水所流昔張良說

高祖燒絕棧道曹操出斜谷臨漢中諸葛亮由斜谷取郿皆此道

也

郡國志

同鼎山

在縣東北十五里與鷄翁山相對西臨黑龍江以其三峯

鼎峙故名

雍勝畧

崖半有飛虎洞相傳有翼虎伏洞爲害一異人擲

劍斃之今劍在石窟內可搖不可拔其迤南與釣魚臺一點油石



對者曰鐵屏崖峻嶒可賞又大成山在縣東北二十里同鼎山後  
峯巒起伏長三十餘里府志

附考黃沙水南有女郎山山上有女郎冢遠望山墳崑崑狀高及卽

其所裁有墳形山上有直路下出不生草木下有女郎廟及擣衣

石言張魯女也

水經注

襄城縣有女郎山

隋書地理志○按黃沙水今在沔縣界山無考

漢水

在縣南自沔縣流入又東入南鄭界卽沔水也

縣圖漢水自合

黃沙水又東合襄水又東逕萬石城下

水經注

沔水在縣南二十四

里其水獨不爲埭諺曰漢江不田龍江不船縣志○詳見圖考

剪子河

又名楊家河楊一作養

在縣西南百二十里以石板布堰故名其水東

北入於漢

縣志

發源南棧山之北流十五里爲剪子河又東北流三

十里爲楊家河又三十里逕沔縣之上官庄至黃沙驛入漢

縣冊

楊家河卽沔縣之養家河也



華陽河 在縣西北十五里源出牛頭山南流入漢

輿地紀勝

襄水 一名山河 一名黑龍江

在縣東一里即黑龍江自鳳縣界流入又南流入

漢縣圖

孝武時欲通襄斜道及漕事拜御史大夫張湯子邛為漢中

守發數萬人作襄斜道五百餘里道果便近而水多湍石不可漕

史記河渠書

武功縣襄水出衙嶺山至南鄭入沔

漢書地理志。武功今屬郿縣

襄水

西北出衙嶺山東南逕大石門歷故棧道下谷又東南逕三交城

城在三水之會一水北出長安一水西北出仇池一水東北出太

白山是城所取名也襄水又東南得丙水口又東南歷小石門又

東南歷襄口又南逕襄縣故城東又南流入於漢

水經注

襄水出縣

西北九十八里衙嶺山與斜水同源而派分

括地志

山河水即襄水

出太白山又有石鼓在縣北四十里襄水中擊之有聲又有將軍

石亦在水中入谷十五里有石如甕整然又有白玉盆亦在水中



大石光白其中可實五斗

輿地紀勝

斬蟒石在縣北六十里龍江之岸

俗傳有蟒爲害異人斬之其脊化爲石又蝦蟆石在縣北四十八

里江濱高六尺許金華山亦有之又鯉魚石在縣北三十里褒水

中凡鯉至此不能過故石北上流無鯉又支鍋石在堡子舖南四

里龍江西許巨石鼎峙如支鍋又五龍石在縣北十五里新定舖

巨石交錯如龍其相近有將軍石高數丈又玉盆在縣北八里褒

水東岸有石自然如盆光潔如玉對岸卽釣魚臺也又堰界石在

縣東三里龍江中上一石橫刻使府打量到下鐫古界從此石至

南大宋乾道元年十一月初五日眉山史可觀記下一石鐫制置

大使司提修造張儀准相命檄自嘉定三年至七年督責軍人董

工治堰嘉定七年二月記又馬鞍山在縣東二里江岸

府志褒水在

縣東門外自東北南流出褒谷至縣南二十里入漢江曰兩河口



縣東二里許有石碑灘又北一里為魚梁灘又三里為五龍潭又

五里為滾雪灘有壽雲石在灘之右二石倚江文如壽字又五里

為響水灘巨石亂峙中流水聲如雷又去縣北百十里為聚魚潭

潭水深靜冬月魚聚其中又有小江在縣東襄水支流也

縣志

武關河

一名石溝河

在縣北百四十里一名石溝河自鳳縣流逕武休關

東合於襄水水經注所云一水西北出仇池蓋指此也

縣志○按襄水當以

出太白山者為正源而武關河則襄水之別源也

臘魚潭水

在縣北百十里其水流入襄水今有臘魚棧閣

縣志

馬道河

即寒溪又名樊河

在縣北九十里源出馬道驛西山峽中東流至樊

橋合襄水古名寒溪今又名樊河又北岔河在馬道西十里迤南

流入寒溪又西河在馬道西五里自五井溝流入於寒溪

府志

青橋河

在縣北六十里青橋驛北源自西南來流合襄水

府志



沙河

在縣北二十五里源出縣西北橫當山流經滴水崖為鍋底

灘又十里為黑灘

又五里為娘娘灘又三里為頭渡河順十八灣

又五里為二渡河又十里入龍江

縣志

沙河源出雲霧山北其流入

襃水

賈志

冷水河在縣北六十里源出雲霧山麓一名響水河自棧

道中西峽流出歸沙河逕觀音碕入襃水

縣志

丙水

在縣西北

縣志

丙水上承丙穴下注襃水

水經注

丙水源出縣西

北牛頭山

寰宇記

大丙水源出黃崖嶺下

輿地紀勝

廉水

在縣西南百二十五里源自巴山密谷東北流逕雙乳山又

北逕中梁山南東北入南鄭縣界入漢又讓水在縣西南百三十

里一名遜水范柏年對宋明帝臣鄉有廉泉讓水是也

縣志

遜水起

於廉水東流至故廉水城側

輿地紀勝○廉水故城在縣南

廉水源出巴州別流

為讓水

賈志

馬鞍泉在縣西南九十里源出馬鞍山東流與廉水合



又雙泉水在縣西南七十里兩泉並湧出於中梁山西南峽中

二泉合而復分東南流入廉水河

縣圖

王母塘

在縣南七十里瀦水甚盛

府志

鹿鳴池

在縣東南十里昔傳有群鹿飲於池畔故名

府志

瀝水溝

在縣東里許自小東溝流來水石相激其聲淅瀝

府志

仙人溝

在縣北八十里山徑逶迤林木翳翳其境甚幽

府志

五道溝

在縣南四十里又縣南六十里有沙溪溝又縣南七十里

有冷水溝泉出山谷夏亦清冷又縣南八十里有章溪溝在鎮谷

村

府志

金泉

在縣西南三十五里雍齒壩崖頭山下方圓丈餘冬夏不竭

又一碗泉在縣西南五十里葦池壩山崖下泉形如碗又湧珠泉

在縣西南五十里火石嶺下源出平地三泉鼎列沫湧如珠又相



近有沒底泉泉極清其深莫測

府志

鶴騰泉

在縣西南六十里源出中梁山由二穴湧出南注溪中有

石梁天成平分兩渠餘水還峽中下注鶴騰崖為瀑布焉

府志

凉水泉

在縣南四十五里中梁山下流至玉女洞前與玉女泉合

府志

碧玉泉

一名芝泉

在縣南五十里山道村池廣一畝深不可測投物其中

色皆成碧故名碧玉又曾產靈芝名芝泉其北即玉泉嶺也

府志

神惠泉

在縣東南十里許宋元豐中營褒德將軍墓眾患乏水此

泉忽然湧出

府志○按此或謂即張嶷墓

城固縣

通關山

即通關勢

在縣北三十里

雍大記

壻水經通關勢南山高百餘丈上

有匈奴城方五里濬塹三重高祖北定三秦蕭何守漢中欲修此



道通關中故名爲通關勢

水經注

山在壻水北

輿地紀勝

慶山

在縣北三十五里山頂有烽堠故蹟西南三里卽赤土坡

雍勝

畧

慶山去斗山五里

府志

赤土坡一名赤坂在縣西北三十里其土

色赭周圍十里昔武侯屯軍於此以拒魏

縣志

○按輿地紀勝地理通釋皆云赤坂在洋

縣境縣志疑誤

桃林山

在縣北四十里上有石觀音像隱然崖壁間

雍勝畧

其相近

有風高山上有風洞怒吼不息壓之以大石亦吹起又稍東有五

峯山五峯環列如屏

府志

九真山

在縣北五十里道家謂太白山南六百里與三嵎山相接

大峯上有九真玉井

輿地紀勝

其相近有魚洞每逢穀雨魚自洞出又

迤東爲珍珠山重巒疊出累如貫珠縣脉所由來也其下有呼雷

潭在縣北四十里水聲如雷

府志



馬盤山 在縣北百里坡陀縈紆二十餘里內有清溪三道

雍勝志

巍然高聳形如卧馬故名

府志

石籌山

在縣西北十里

府志

斗山 在縣西北二十里與三嵎山對峙脉自三嵎迤邐而南廻轉

東向一峰聳起有似斗杓壻水自北縈繞東出上有昇仙觀古稱

福地道經云斗山有五穴通崑崙隴山武當青城長安穴有肉芝

卽千歲蝦蟇得而食之可延壽

雍勝志

周地圖記云斗山上下有石

穴

寰宇記

興元有斗山觀自平川內聳起一山四面懸絕其上方如

斗底有唐公昉拔宅仙跡王仁裕辛巳歲嘗題詩版於觀舊說斗

山一洞西去二千里通青城大面山又與嚴真觀井相通及仁裕

癸未入蜀遊嚴真觀見斗山詩版在焉詰之不知所來人皆異之

玉堂閒話

斗山之後有石鼓河水衝擊其聲如鼓又有古松四百六十



二株皆合抱者縣志

浮遊山一名伏牛山在縣西北三十里兩山並峙曰東浮遊西浮遊亦謂

之伏牛山又稍北為深背嶺府志○按賈志以慶山為即浮遊山誤深背嶺在縣西

北三十三里縣志

三嵎山在縣西北四十里高聳萬仞中多靈藥輿地紀勝三嵎谷在縣

西十九里周地圖云三嵎山上有三峰如覆鼎足寰宇記又迤北有

獅子山其相近有桃溪洞一日數潮聲殷殷如雷又縣西北四十

五里有亭子嶺府志

天臺山在縣西北九十里其西南屬南鄭又縣西北百二十里有

白龍洞山崖高峻泉流潔清府志○亦見南鄭縣

聽山在縣西北九十里聽水所出府志

龍王山在縣西南五里上柳渡縣志



少年山 在縣西南四十里西枕沙河路通西鄉及四川通江縣俗

傳彭祖祈年於此府志

老君山 在縣南十里有白鶴觀府志

天池山 在縣南三十里山頂有天河池歲旱取水禱雨雍勝畧其迤

東為圪兜坡縣志

雙乳山 在縣東南六十里兩山並峙如乳府志

寶山 在縣東北十里有蕙香院壻水遶其南與牛蹄山相連山

在縣東北三十里其上有張子房祠址縣志

白雲山 在縣東北三十里山東有神崖山南有駱駝山西連牛蹄

山北接龍泉山多產藥物俗傳張良辟穀於此縣志

青城山 在縣東北五十里輿地紀勝

漢水 在縣南四里自南鄭界流入又東入洋縣界縣志漢水自長



渡又東逕胡城南又右會盤余水又東左會文水又東黑水注之

又東過城固縣南又東過安陽縣南泚水出自旱山北注之又左

合壻水水經注○胡城在縣西安陽故城在縣東漢水經縣南去縣二里元和志洪溝在

縣西三十里時苦漢水泛溢田多崩陷府志○詳見圖考

南沙河即盤余水在縣西南三十里源出巴山北流入漢府志盤余水出南

山巴嶺上泉流兩分飛清派注南入蜀水北注漢津謂之盤余口

庾仲雖曰盤余去胡城二十里水經注南沙河出縣西南百里黑龍

洞東北流入漢江縣圖

文川水節門水在縣西北四十里縣志文水即門水也出胡城北山石穴

中長老云杜陽有仙人宮石穴宮之前門故號其川為門川水為

門水東南流逕胡城北三城奇對隔谷羅布深溝固壘高臺相距

門水右注漢水謂之高橋溪口水經注文水兩水合流有如文字昔



范柏年對明帝臣鄉有文川武鄉即此

雍勝畧

玉谷泉在縣西北二

十里漢水記云漢水自魏興汭流一百八十里至玉谷溪口是也

輿地紀勝

玉谷泉源出扁鵲觀之龍洞流入文水

縣圖

黑水

在縣西北五里

府志

黑水出北山南流入漢庾仲雖曰黑水去

高橋三十里諸葛亮牋云朝發南鄭暮宿黑水四五十里指謂是

水也

水經注

黑水源出梁州城固縣西北太山

括地志

源出太白山南

流入漢

縣志

涔水

涔一作潏即黃水一名潏谷水

在縣南

縣志

安陽縣有潏谷水出西南北入漢

漢書

地理志

涔水即黃水也出南鄭縣旱山東北流逕城固南城北右岸

有悅歸館水歷其北又北至安陽入沔

水經注

顏師古曰潏音潛其

字亦或從水涔潏古字通或以為禹貢之潛非是

禹貢雖指○史記沱潛之

皆作



小沙河 在縣南十里源出縣東南一百三十里曹壩林北流入漢

縣圖

壻水

即聽水一名智水又名北水河

在縣東北六里一名北水河自南鄭界來南流

入漢

縣圖

聽山水謂之智鄉水曰智水川唐公房升仙之日壻行未

還約以此川為居因號曰壻鄉故水亦即名焉又南歷壻鄉溪東

南流逕通關勢南又東逕七女冢又逕樊噲臺南又東南逕大城

固北東迴南轉又逕其城東而南入漢水謂之三水口

水經注。按六朝壻

字皆書作聶智水智鄉疑即聶水聶鄉以傳寫而訛智也壻水源出太白山東流逕縣北又東

南入漢又有上中下清溪在縣北七十里源出馬盤山南流合於

壻水

府志

石槽河

在縣北三百里

府志

雙溪河

在縣北二百七十里

縣志



之溪 在縣北五十里潞泗曲折如之字故名府志

五門潭 在縣西北二十里淵深莫測縣志

響潭 在縣南十里谷水衝激有聲府志

九龍池 在縣西南十五里俗傳有九蟒見池畔故名賈志

鴨兒池 在縣西南三十里池中泥深鷺鳬多集故名府志

蓮花池 一在縣東五里一在縣南十二里多蓮花府志

明月池 在縣東北縣圖壻水東逕七女冢水北有七女池池東有明

月池狀如偃月皆相通注謂之張良渠蓋良所開也水經注 明月池

在興道縣西北寰宇記○興道今屬洋縣明月池中有臺相傳為漢高所築又

有七女池按漢中記曰昔人無男養七女父歿女於此負土各為

一冢遂成此池雍勝畧

九十畝塘一名九聖母塘在縣西南三十里廣約二十畝今訛為九聖母塘



玉井

在縣西南三十里

縣圖

在縣文川口二井相並

輿地紀勝

洋縣

興勢山

一名鎮勢山一名興勢坂

在縣北四十三里

府志

龍亭縣有鎮勢山

魏書地形志○

龍亭故城在縣東

小城固城北百二十里有興勢坂諸葛亮出洛谷戍興

勢置烽火樓處

水經注

洋州興道縣後魏分置興勢縣治興勢山上

郡縣志○興道故城在今縣東門興勢故城在縣東北

在興道縣西北今郡城所枕自然隴

勢形如一盆外險而內有大谷為盤道以上數里始及四門最為

險固

寰宇記

牛首山

首一作頭又名龍首山

在縣北五里形如牛頭一名龍首山

雍勝畧

箕簍谷

在縣北十里

縣志

箕簍谷在洋州文與可嘗令予作洋州三

十詠箕簍谷其一也

蘇軾箕簍谷偃竹圖記

由土門入循漢水而陟其上內



平外昂一覽山無遺勝又掘地三尺即得水產佳竹舊有亭今廢

竹亦蕩然

府志

鳳凰山

在縣北

縣圖

在興道縣北十里其形如鳳

輿地紀勝

釋子山

在縣北十五里唐僧法照居於此其山峭削孤危崖腹有

洞僅可容身即唐法照念佛聲聞長安處也因名念佛巖下臨碧

潭澄徹如鏡每歲五月五日泛五色泡光彩奪目

縣志

瀼谷

一名駱谷

在縣北三十里唐德宗僖宗幸興元蜀姜維伐魏魏鍾會

寇蜀曹爽攻漢中晉司馬勲伐秦皆由此又相近有兩角山山峯

雙峙如角故名

縣志

瀼谷一名駱谷在興道縣北三十里南口曰瀼

谷北口曰駱谷

元和志

駱谷路在真符縣屈曲八十里凡八十四盤

又小盤山在興道縣北三十三里

輿地紀勝

真後魏之瀼城郡

以此名

潛確類書○瀼城故郡在今縣北



焦崖山 在縣北五十里元拖雷率衆趨華陽截焦崖卽此縣志

石鏐山 在縣北六十里曲折層疊而上共九十四峯高聳連雲俯

瞰邑境上有石椿石箱縣志石鏐山最高每雨必有雲出其頂雅勝畧

漢王嶺 在縣北七十里卽駱谷道漢高祖曾經此其相近有八里

洞在層山中有平原八里故名縣志

駱駝山 在縣北八十里其相近有龍洞洞有三俱有靈湫禱雨輒

應縣志

寒泉山 在縣北百二十里府志陽都坂西連寒泉嶺漢中記曰自西

城涉黃金峭寒泉嶺陽都坂峻嶢百里絕壁萬尋旣造其峰謂已

踰崧岱復瞻前嶺又倍過之水經注仙人李八百居此唐公昉師事

八百昉渴八百以杖指崖間泉卽湧出清涼特甚因以名山縣志

宋軍山 在縣北百三十里舊有寺今止存大殿五楹前有古松二



偃蓋蟠鬱蔭廣數畝

縣志

華陽山 在縣北百四十里

縣冊○按唐分置華陽縣在今縣北以此名也

陰嶂山

在縣西北十八里又縣西北二十里有中原山上有廟

縣志

豐都山

在縣西北二十五里山脉遠通秦嶺為縣重鎮其北有神

仙洞洞中石上有仙人掌跡

縣志

俗傳炎帝十三子實主是山上有

廟漢南士庶多禱祈於此有二池深各六七尺下池傳有人穢之

遂涸上池冬夏不竭然稍穢則濁久之始清又諸葛嶺在縣西北

三十里相傳武侯用兵戍此

府志

白巖山

在縣西北

縣圖

在興道縣北六十里益水沙溪中山有白石

崖因名

輿地紀勝

山有白巖院林木蔥鬱清流環遶

縣志

七疊山

在縣西北六十餘里

縣圖

在真符縣西北三十里疊嶂七層

輿地紀勝



禪堂洞 在縣西北九十里有石佛石牀遺跡縣志

石柱山 在縣西北百里有一石柱立山頂又有一石盤常有水歲

旱于此禱雨雍勝畧

青山 在縣西北縣圖在真符縣西北百八十里輿地紀勝

神明山 在縣西北縣圖在真符縣西北二百五十里輿地紀勝

琉璃山 在縣西北三百二十里府志

子房山 在縣西四十里傳為留侯辟穀處多藥苗山接城固界府志

祈子山 祈一作雞又在縣南七里一名鳳翼山府志舊志云山下瞰漢

江東枕沙河上有聖母祠祈嗣輒應故名俗訛為鷄子山山巔有

雲即雨旱嘗禱此縣志

萬樓山 在縣南二十里又縣南三十里有三盤山府志

蕎麥山 在縣南四十里明景泰中有妖僧定山作亂據此雍大記



觀山 在縣東縣圖在興道縣東十里輿地紀勝

龍亭山 在縣東二十五里昔置龍亭縣于此縣志赤坂在洋州東龍

亭山土色甚赭建興八年魏軍侵漢武侯次城固赤坂以待之即

此輿地紀勝○洋州故城即今縣治赤坂為龍亭入子午谷之口地理通釋赤坂在縣

東三十里府志觀音洞在縣東五十里酉水河岸內有石觀音像縣志

文昌山 在縣東六十里四面皆山此獨秀拔縣志

蒿坪山 在縣東六十五里山腹有靈湫禱雨輒應雍勝畧

黃金谷一名黃金峽在縣東八十里漢水經其中亦謂之黃金峽灘石迅

惡舟楫難過府志山有黃金峭水北對黃金谷有黃金戍傍山依峭

險折七里氏掠漢中咀此為戍與鐵城相對昔楊難當令薛健據

黃金姜寶據鐵城陰平太守蕭祖攻拔之賊退酉水水經注黃金縣

西北有百畝山山有黃金谷水陸艱險語曰山水艱阻黃金子午



魏曹爽寇蜀蜀將王平拒之于黃金谷卽此

縣志○黃金故城在縣東北

韓仙山 在縣東百四十里上建韓仙觀山腹有石洞相傳韓湘曾

居此

縣志

苦江山 在縣東百六十里漢水經其下

府志

子午谷 在縣東百六十里由龍亭東過渭門白沙等處抵谷口與

金州安康縣接界

縣志○安康縣今屬石泉界

黃金縣有子午谷路京城前直

子午谷

唐書地理志

谷在長安縣南百里王莽通子午道魏鍾會統十

萬餘衆分從斜谷洛谷子午谷趨漢中晉桓溫伐秦命司馬勲出

子午道今洋州東二十里曰龍亭此入子午谷之路至谷六百六

十里

郡縣志

今京城直南山有谷通梁漢道者名子午谷北山是子

南山是午共爲子午道

顏師古注

黃金縣有驛卽子午道也舊道在金

州安康縣界梁將軍王神念以舊道緣山避水橋梁多壞乃別開



乾道更名子午道卽此路是也

元和志

洋州志曰子午駱谷兩路重

岡絕澗危崖亂石自古爲形勢之地

輿地紀勝

洋州子午谷南北正對

長安卽唐明皇荔枝路也杜詩云百馬死山中至今耆舊悲信爲

險絕

明楊慎棧道記

馬鞍山

山有二一在縣東北二十五里一在縣東南五十里俱以

形似名

縣志

清水谷

卽青谷

在縣東北三十里一名青谷縣冊天寶八載真符縣開清

水谷路

唐書地理志

大龍山

在縣東北

縣圖

大龍山在興道縣東北三十八里其相接者

爲小龍山下有大龍小龍二溪

輿地紀勝

家巖洞

在縣東北洞前有唐貞觀年號

縣志

在真符縣北四十五里

輿地紀勝



城山 在縣東北七十里傳為楊難當所築府志

福仁山 在縣東北九十里縣志

女冠山 在縣東北潞水出於此縣志在真符縣北百七十里上有石

壁卓然瑩淨內有女仙之狀輿地紀勝

金紫山 金一作擎又在縣東北百九十里縣志

三嶺 在縣東北二百餘里傳為費禕拒曹爽處縣志

南岐山 在縣東北三百里又山東北相近有魚洞每歲仲春有魚

湧出縣志

太白山 在縣東北縣圖真符縣有太白山金星洞唐書地理志山去真符

縣四百五十里面隸鳳翔背屬真符唐天寶中得玉冊於此輿地紀勝

山在縣東北五百里關中謂之南山漢中謂之北山明一統志○按縣圖北至

鄠縣界二百一十里而太白山在鄠縣東南四十里似不應相去如此之遠疑明一統志殆承輿地紀勝之誤也通志云山在縣北



四十五里雖有譏其誤者然以道里計之大約亦不過二百餘里詳見圖考

附考洋州東有隔仙山會昌解願錄○按宋洋州屬縣境而山則無考

漢水 在縣南二里自城固界流入又東入西鄉界禹貢錐指漢水自合

壻水又東會益口又東至灋城南與洛谷水合又東逕小城固南

又東歷上濤而逕於龍下蓋伏石驚湍流屯激怒故有上下二濤

之名龍下地名也度此溯洄從漢為山行之始又東逕石門灘山

峽也又東會酉水又東逕媯墟灘又東逕猴徑灘山多猴猿好乘

危綴飲又東逕小大黃金南又東合蘧蔭溪口水經注○小城固故城在縣東漢

水經興道縣南去縣一百步元和志漢水自發源至此屈曲行三百

七十里流入金州漢陰縣界寰宇記今縣東二里有飲馬灘每子午

二時潮響如雷又五里為上濤下濤又縣東二十里為鴛鴦灘以

中流亂石錯起哈呀相峙而名又三十里即石門灘矣府志自漢王



城東至渭門渡九十六灘九四十二入縣界三十里爲四郎灘又五里爲龜鶴灘又五里爲飲馬灘又五里爲菜子灘又七里爲花灘又六里爲上方灘又二里爲鴛鴦灘又三里爲將軍石灘又三里爲石門灘又五里爲鋪灘又三里爲長溪灘又三里爲撈米灘又五里爲後亭灘又十里爲吸噓灘又四里爲桃灘又五里爲甕子灘又三里爲油灘又三里入峽爲高羊角灘地名環珠臺又四里爲低羊角灘又二里爲馬尿垠又二里爲蒿溪垠又一里爲卒灘又四里爲九斗米灘又五里爲拘灘又五里爲石獺垠又十里爲小大林灘又五里爲大小金灘又三里爲鼈灘又二里爲籠灘又一里爲新灘又十三里爲大小瓦灘又五里爲廣灘又五里爲大陽灘又十里爲高低白沙灘又十三里爲大小唐興灘又四里爲老鶴灘自入峽歷二十四險灘出峽口卽渭門鎮也

縣志。詳見圖考。



壻水

一名智水

在縣西接城固縣界

縣圖

源出扶風界秦嶺西三十里流逕

城固縣壻鄉又東流二十里入漢

輿地紀勝

在縣西四十里源出郿縣

太白山一曰智水經城固流入縣境入漢

縣志

溢水河

即益水

在縣西二十五里北出秦嶺南流入漢

縣志

益水出北山

益谷東南流注于漢水

水經注

小沙河

在縣西南二十里源出南山東北流入于漢

縣志

苧溪水

在縣西北七里源出縣界石子山東流入漢以溪多野苧

故名

輿地紀勝

源出馬埡坪經縣西北東南流入漢

縣志

瀟水

即洛谷水又名鐵冶河

在縣西一里

府志

洛谷水北出洛谷南流右則瀟水

注之水發西溪東南流合為一水亂流南出際瀟城西南入漢水

水經注

龍亭縣有瀟水

魏書地志

瀟谷水一名洛谷水在興道縣北三

十里南流注漢水

寰宇記

瀟水出洋縣北石鎰山南流入漢

明一統志



冶河在縣北百八十里下流入於灋水

縣志

天寧河 在縣東五里源出黃泥坡南流入漢

縣志

平溪河

一名貫溪

在縣北二十里南流至平野名貫溪南流入漢

縣志

大龍溪

即龍涓水

在縣東北三十里源出秦嶺南流入漢

府志

龍涓水在興

道縣東二十九里水出龍涓谷屈曲西南流十五里入漢江

輿地紀勝

大小龍溪在洋縣石上有赤書展溪二字相傳為張魯女感孕生

二龍之所

潛確類書

潛水

在縣東六十里源出華陽山東南流入漢

縣志。按雍勝畧以此為即沱潛之

潛疑誤

酉水河

在縣東七十里

縣志

酉水出秦嶺西谷南歷重山與寒泉

合水東出寒泉泉湧山頂望之交橫似瀑布頽波激石散若雨灑勢同厭源風雨之池其水西流入於酉水酉水又南注漢謂之酉



口水經注。按雷次宗豫章記云厭源山西北有洪井井北五六里有風雨池山高瀨激霏散遠洒若雨

黃金縣北八十四里寰宇記

大沙河 在縣東南三十里源出巴山界東北流經鷄子山又東北

入漢又有東峪河在縣東南四十里源出南山合于大沙河入漢

縣冊

金水河即蘧蔭水一名黃金水在縣東百里源出秦嶺南流至黃金峽之金潭

入漢府志蘧蔭水北出就谷在長安西南其水南流逕巴溪戍西又

南逕陽都坂東又南歷蘧蔭溪謂之蘧蔭水而南流注於漢謂之

蔭口水經注黃金水源出縣西北百畝山黃金谷南流經縣西去縣

九里元和志黃金水在黃金縣西十里南注漢水寰宇記

子午河 在縣東北縣圖蒲河在縣東北二百四十里源出秦嶺南流

合椒溪文水二河名三河口又至白沙鋪名子午河南流入漢又



椒溪在縣東北二百里縣志

桃溪河 在縣東南六十里源出南山東南流至西鄉界入漢府志

五龍潭 在縣西一里漢水東岸縣志

鵝公潭 在縣西南十五里有石洞水入莫知所出府志潭在漢江南

去興道縣十三里輿地紀勝

仙浴潭 在縣東南三十里相傳有仙女浴此縣志

橫湖 在縣治西北舊有待月臺二樂榭文與可守洋故蹟也縣志在

洋縣舊州西雍大記

大唐池 在縣西二十五里濶二十畝縣志

百頃池一名九頃池在縣西南十里一名九頃池縣志

放生池 在縣東門外又東南二里有蓮花池縣志

錫杖泉 在縣北念佛巖上唐僧法照以錫杖卓地泉遂湧出因名



縣志

馬跑泉

一名殷家泉

在縣西北十五里一名殷家泉

縣志

湧泉

在縣西北三十里普澤院其水噴溢清瑩歲旱祈禱則水瓶

浮沉若有神憑之者

縣志

聖泉

在縣西十五里病者飲之多瘳

府志

雷破泉

在縣西南三十五里泉出石上冬夏不竭

縣志

醴泉

在縣南十里龍翼山下醴泉院味甚甘

府志

馬檻泉

在縣南十五里上有龍王廟

縣志

神女泉

在縣東南六十里泉穴有三旱禱多應

縣志

龍泉

在縣東北十五里其泉清潔冬夏不涸

府志

西鄉縣

巴山

一名巴嶺山一名大巴山

在縣西南接四川巴州界即南鄭縣之大巴嶺也



縣冊巴嶺山在舊洋源縣南十里輿地紀勝○洋源故城在縣南巴山在縣西南

五十里小巴山在縣西南二百五十里府志巴山在縣西南綿亘數

百里夏有積雪峰巒險峻林木蒼鬱為邑之鎮山縣志○按雍勝畧大巴山在西

鄉縣西南六十里似于紀勝為合而府志所載為太遠然如縣志所云則綿亘西南境者皆巴山也

雲盤山 在縣北二里彌陀寺後府志

文昌山 在縣北十五里縣志

望江山 在縣北三十里府志

老家山 在縣西二十五里又縣西四十里有風山縣志

樓山 在縣西五十里山形如樓又觀子山在縣西六十里其上有

雙河觀又神山在縣西七十里土人築寨於此縣志

石人山 在縣西百里上有石如人端立雲表其相近有梅子堙朝

陽洞縣志



龍洞

在縣西南石壁嵌空洞凡數十處投以石則風雨立至府志

鷹山

在縣西南四十里龍溪發源於此府志

箭筈山

在縣西南五十里又天池山在縣西南六十五里縣志

楊柳山

在縣西南八十里其相近又有硃砂山上有飛泉縣志

遊仙山

在縣西南二百五十里有洞如房室傳有仙居於此賈志

建文崖

一名紅崖

在縣西南三百里一名紅崖相傳明建文帝遯跡於此

縣志

雲亭山

在縣南八里

縣志

西鄉縣有雲亭山

唐書地理志

圖經云山連巴

嶺五百里崖谷險峻因山興雲其狀如亭故名

輿地紀勝

鳳凰山

在縣南十五里又相近有皂軍山一名阜均山宋吳玠屯

兵於此上有擂鼓臺又縣南二十里有元陽洞在龍光嘴康熙間

龍洞祈雨以瓶投洞中不出經年餘瓶出於元陽洞中人皆異之



縣志

飛龍山 在縣南五十里上有紫霧冬不積雪其相近又有馬耳山

又穿石崖在縣南七十里絕壁千仞上有水簾宋進士雷忠避兵

處府志削成一壁高不可測穴容千人白雲時聚時散故穴不常見

也楊爾材穿石崖詩序

拴馬嶺 在縣南百里相傳為張飛入蜀拴馬處縣志

蓆帽山 在縣南平鄉口府志在縣之平定鄉去縣一百五十里有石

龍洞五百餘丈輿地紀勝

楊家山 在縣南二百里又八海坪在縣南二百三十里又父子山

在縣南二百五十里古木參天蒼藤匝地山徑迂迴十餘里上有

龍洞縣志

星子山 在縣南三百里洋水源出於此又金竹山在縣南三百五



十里

縣志

白廟山

在縣南四百里

縣圖

西鄉縣有白廟山山有老子廟

寰宇記

午子山

一名母子山

在縣東南二十里三峰削立二水環流一名母子山

山巔有洞四五深不可測風出入有聲冬則吐氣滃滃然以木葉

投之則飛起謂之風洞亦謂之午子洞又聖水峽在山之東有龍

泉水出焉遇卯午酉時水潮三五尺潮至則渾潮退則清又有魚

洞在山左河中河水清則洞水濁河水濁則洞水清又飛鳳山在

午子山左石壁上聳有如鳳舉鐫有飛鳳山三字其側鐫虎頭崖

三字甚遒勁其左有兩穴雲起如車蓋卽雨相傳中有千歲蟾蜍

人或見之又冠珠山在午子山右一名華表山峯巒峻峭爲邑之

文峯又金鷄嶺亦在午子山右其上有石狗

縣志

天仙山

在縣東南六十里有紫衣真人故址

府志



鷹嘴山 在縣東南八十里又鹽水山在縣東南百五十里縣志

歸仁山 在縣東南四百里縣志

紅崖洞 在縣東十里茂林修竹高閣臨流爲邑之勝又堠子嶺在

縣東二十里縣志

鐵城山一名鐵繩山在縣東三十里一名鐵繩山其相近有金牛山一名

牛嶺山縣志

三郎舖山 在縣東三十里縣志秦王洞在縣東四十里地名秦里巖

洞後多產牡丹輿地紀勝

白汚峽汚一作面在縣東七十里一名白面峽縣志

太白洞 在縣東八十里洞口有石人相傳爲巫化禱雨輒應府志

蒿坪山 在縣東北三里縣志

被紫山 在縣東北六十里縣志



香積山

在縣東北饒風關南又饒風嶺在縣東北百八十里今名

十二先鋒嶺山路崎嶇險於棧道接石泉界

縣志

嶺在漢江北岸設

有關

縣册○又見石泉縣

漢水

在縣東北百二十里自洋縣流入又東南流入石泉界

縣圖漢

水自合蓮蔭水又東右會洋水川流漫濶廣幾里許又東歷敖頭

水經注○詳見圖考

桑園河

一名東峪河

在縣西北三十里一名東峪河

縣志

其水接洋縣界東

北流入沙河入漢

縣册

子午河

在縣東北百五十里源出子午谷西南流入於漢

賈志○詳見洋

縣

洋水

在縣東二十里

明一統志

洋水導源巴山東北流逕平陽城又東

北流入漢謂之城陽水口洋川者漢戚夫人所生處也

水經注○平陽城



西鄉舊縣在今縣南西鄉縣有洋水隋書地理志洋水在洋源縣南三百步又逕

西鄉縣東八里元和志洋水出廢洋川縣東巴嶺北流入黃金縣界

寰宇記○洋川故城在縣南黃金縣今屬洋縣界洋河在縣西南三百里源出星子山流

逕縣東合於木馬河縣志

七十二渡河 在縣東南三百五十里縣志源出金竹山其水潏廻九

七十二渡北流入洋河雍勝畧

撈旗河 在縣南二百十五里俗傳唐明皇幸蜀軍士失旗於河因

名府志

大竹河 在縣南百里縣志源自龍泉東流入洋水縣志

楊家河 在縣南八十里縣志其水東流入洋水縣志

白鐵河 在縣南六十里縣志

飲馬河一名飲馬池在縣東南二十五里一名飲馬池縣志



東龍溪 在縣南二十里其水入洋河縣志

木馬河一名馬源水在縣南百步東北流合洋水入漢縣志馬源水在西鄉

縣源出巴山圖經云元名木馬水天寶間改名輿地紀勝木馬河源出

大巴山在縣南二百八十里縣西南之左西峽空渠水及縣北之

清涼川縣南之金竹水皆注焉又東北入於漢縣志

私陀河 在縣西南七十里縣志源自城固縣山河流來入木馬河縣志

天子溪 在縣西南七十里明建文帝憩息於此故名縣志今無水縣志

左西河 在縣西南六十里源出巴山西北流入木馬河縣志

平地河 在縣西南六十里東流入於木馬河縣志

西龍溪 在縣南六十里縣志

空莒河一名空渠水在縣西南四十里縣志一名空渠水亦出巴山北流注

木馬河縣志



三里河

里一作皇

在縣西三里

府志

寺溪河

在縣東北五里遶城流入木馬河

縣志

清涼川

一名青源川

在縣北五里蒿坪山下自洋縣流來入洋河

縣志

唐德

宗幸梁洋山南節度使嚴震具軍容迎謁於清涼川卽此

寰宇記

縣

北十里有清涼山洋水經其下謂之清涼川

縣志

神溪河

在縣東北四十里相傳昔有仙人過此驢跡尚存

府志

桃溪

河在縣北四十里自洋縣流來入於神溪河又東入於洋河

縣志

洋溪河

在縣東南百五十里崖上有石形如雙羊因名

府志

高川水

在縣東南百五十里

縣志

楮河

在縣東南二百里流入紫陽縣界

縣志

大石川

在縣東南二百里

府志

流入紫陽界合於楮河

石河也



菩提河

在縣南二百五十里流入四川通江界

縣志

九龍池

在縣西南左西峽

縣志

天池

在縣西南百里

縣志

鴛鴦池

在縣南大巴山西夏不解冰

縣志

溫泉

在縣西南六十里夏冷冬溫

縣志

鳳縣

豆積山

一名龍腦山龍一作虎一名遊跡山

在縣北一里一名龍腦山

雍勝畧

在梁泉縣

北一里爲唐冲妙先生張果之別隱淳熙中憲使李大正大書遊

跡山三字鐫於石麓

方輿勝覽○梁泉故城卽今治

一名虎腦山

雍大記

山有消灾

巖其上有閣臨大散江相傳張果爲梁泉里人冬居鸞鸞夏居豆

積卽遊跡之譌也

府志

父子谷

在縣北二里唐僖宗幸蜀至白石鎮有村叟進醴上問其



居曰父子谷因賜金帛問其姓名不答

潛確類書

父子崖在梁泉縣東

北二十里有大小石若相懷抱因名

寰宇記○按此所記道里頗不同

賈家寨山

在縣北七十里山極險峻上多石竈昔人於此避兵

府志

板閘谷在縣北百里

縣志

紅崖山

即焦崖山

在縣西北接兩當界其下為紅崖河

縣志

焦崖山在黃花

故縣西北四十五里

寰宇記○黃花故城在縣北

馬嶺山

在縣西四十五里有關

縣志

君子山

一名欣雲山一名蒼坪

在縣西南十五里今名蒼坪

府志

又名欣雲山

半有靈惠洞

縣志

酒奠凹

在縣西南四十里相傳漢高祖曾經此

府志

東西堡子山

在縣南三里

縣志

舊有堡傳為吳曦屯兵處

府志

南岐山

在縣南十里有竹雲洞內有湫池旱禱多應

雍勝畧

南岐



志云鳳之名州其疆理與鳳翔府相隣周興鸞鸞嘗鳴於岐翔翔

至於南而集焉是以西岐曰鳳翔府南岐曰鳳州方輿勝覽鳳嶺在縣

南二十五里昔鳳曾集此故名府志

武都山 在縣南六十里山有谷雍勝畧

新開嶺 在縣南九十里縣志

麻峪山 在縣南百里山形峻險多為盜藪府志

柴關嶺 在縣南百三十里縣志形勢險峻為虎狼藪設有關府志

紫柏山 一名紫柏坂 一名龍如山在縣南百三十里有洞在山巔石壁峻險人不

可到府志紫柏坂在梁泉縣東周地圖云其山兩頭高狀如龍形一

名龍如山山多紫柏寰宇記山中有七十二洞仙人多隱於此方輿勝覽

紫柏山在柴關嶺南相傳留侯辟穀於此下有留侯祠隴蜀餘聞

馬鞍山 在縣東南二十里安河水出此縣志馬鞍山水東出馬鞍山



水經

注  
太白山 在縣東南百八十里上有靈湫祈雨輒應縣圖

鳳凰山 在縣東三里世傳鳳凰嘗集於此又九房崖在縣東四十

里雍勝畧

玉泉山 在縣東八十里山極高寒無禽鳥絕頂有大石覆如殿宇

中有玉皇古像又前有天然石盆旱禱即雨府志

牛蹄嶺 在縣東百里石上有牛蹄跡故名府志

九峰山 在縣東北五里其峰有九雍勝畧

御愛山 在縣東北三十里府志僖宗巡幸歷山下愛玩不能去唐帝莊入

蜀記在縣松林堡側方輿勝覽在舊梁泉東北五十里雍大記

興趙原 在縣東北縣圖紹興十二年棄和尚原方山原於金以大散

關為界於關內則興趙原為控扼之所方輿勝覽



長松山

即三松山

在縣東北百里

府志

三松山一名長松山山有三峰並有

長松因名

寰宇記

梁泉縣有三松山

九域志

黃牛寨山

在縣東北百十里宋吳玠將楊從義與金撒離喝大戰

於此

府志

附考

梁泉縣有龍安山

九域志○按此山無考

故道水

一名兩當水亦名嘉陵江

在縣北一里又西南流入兩當縣界縣圖兩當水

出陳倉之大散嶺西南流入故道川謂之故道水又西南逕故道

城東與馬鞍山水合又西南流北川水注之

水經注○陳倉今屬寶雞故道故城在縣

東大散關西南有嘉陵谷即嘉陵水所出自是始有嘉陵江之名

九域志

嘉陵江源出大散關之西去鳳州九十里

方輿勝覽

嘉陵江在沔

縣西北百八十里按類要云其源出大巖縣志云出大散關西恐即大巖也逕鳳縣北徽州東兩當南畧陽西迤邐而入川江灘石



險惡至漁關始通舟楫

雍大記○詳見圖考按水經注西漢水西

倉嘉陵皆今秦州禮縣地則是西漢水至禮縣始名嘉陵水也今則鳳縣之故道水與成縣之白水江皆名嘉陵蓋皆嘉陵上源故

得通稱矣

黃花川

在縣東北十里

縣

大散水出黃花縣東界大散嶺流逕縣

西去城十步

寰宇記

大散水流入黃花川唐有黃花縣方輿勝覽大散水

在縣東五里

府志

安河

即馬鞍山水一名斜谷河

在縣東二里一名斜谷河源出夫子嶺遶鳳凰山

西北流入嘉陵江

縣

馬鞍山水東出馬鞍山歷谷西流至故道城

東西入故道水

水經注○按此別是一水非郿縣之斜谷水也

紅崖河

即北

在縣西七十里源出秦州南流至唐倉合小峪河又流

至兩當界入嘉陵江

縣

北川水出北洛嶺山南南流逕唐倉城下

又南至困冢川入故道水

水經注○唐倉城在縣北

小峪河在縣西三十里源



自寶鷄秦嶺界西南流入嘉陵江

府志

野羊河

在縣南七十里源出紫柏山東其山多野羊故名東流至

廢邱關與東溝河合

府志

東溝河在縣南六十里源自三岔驛後東

山流來合野羊河又西流至兩當界入嘉陵江

縣志

紫金河

即褒水

在縣東南百五十里又南流入褒城縣界

縣圖

紫金水在

河池縣北一里源出太白山沿流至鳳州武休關入漢中為山河

堰即褒水也

方輿勝覽○唐於鳳州置河池郡

車到河在縣東南八十里相傳夜

有神車載佛到此故名又有蒿埧河在縣南八十里俱流入於紫

金河又有西溝河在縣東南百八十里源出安山驛西山後南至

武關驛入黑龍江

縣志

扞水

在縣東北又東北流入寶鷄界

縣圖

扞水出周道谷北逕故道

縣故城西又東北歷大散關西入渭

水經



蜜蜂溝

在縣西南百里地多蜜蜂居民利之

府志

龍鬣池

在縣南五十里

縣志

在三岔驛西七里山頂一池水極澄徹

府志

香泉

在縣北十五里水出石罅甘冽可釀酒

府志

涼泉

在縣西十里後魏以此名縣

縣志

鳴玉泉在縣西十里一名滴

瀝泉

雍勝畧

靈泉

在縣南三岔驛南七十里泉出石縫傍有神祠

府志

寧羗州

蟠冢山

在州北九十里形如冢漢水所出

雍勝畧○詳見圖考

月山

在州東一里衆山環拱一山如月又冠山在州南門外形如

紗帽一名紗帽山

賈志

起鳳岡

一作鳳起

在州治西山形起伏有如鳳翥

府志



蓮屏山

在州北十里羣峰秀聳如蓮花又如屏障故名

府志

天王山

在州北

州圖

在大安軍西六十里峰頂峭壁有石如人形

輿地

紀勝○大安故城在州東北屢徙

滴水巖

在州北三十里

州圖

在大安軍西七十里兩山峭拔其中一

峰有飛泉千丈下至山根激石成五花

輿地紀勝

七星洞

在州北百里崖畔有七孔如星

名山記

仙女崖

在州西北百里崖有穴僅容一人相傳仙女飛昇於此

勝

畧

老兵洞在州西北百里洞廣深可容百人爲昔時伏兵之所

州志

龍門山

在州西北百五里

州圖

山下有龍洞深七十三步廣半之兩

傍石壁嵌空若龍角目鼻口鱗甲皆具其下皆平石水行其上

輿地

紀勝

鷄鳴山

在州西北百五十里

縣志

在陽平關其相接者爲擊鼓山在



關西相傳為漢王屯軍處

州志

魚山 在州西北百五十里

州圖

龜山與魚山同在江北又有龍山在

江南

輿地紀勝

魚山在陽平關嘉陵江北巋然獨高頂平而濶相傳昔

武侯屯兵於此又有均凹山亦在陽平關北

州志

魚鰲山在州西與

嘉陵江相近或曰即廣元縣東北之龍門山也

州冊

烽燧山 在州西南五里昔人置烽燧處

府志

龍洞山 在州西南四十里山常多烟霧相傳有神人驅龍於此

賈志

上有寒泉時有紅魚出躍相傳有龍蟄於此

府志

壺子臺山 在州西南四十五里

州圖

自韓溪西四十餘里水出巖下

成潭潭口湍流成溪下流五里平地突出一峰如浮圖狀上干雲

霄謂之壺子臺

輿地紀勝

箭竹嶺 在州南十五里玉帶河出此又相近有岫山洞中可容百



餘人水滴石乳狀成龜馬洞口雲常封之

州志

聖水崖

在州南三十里

名山記

崖畔懸一石如龍首水滴而下過客

仰面可飲味甚甘冽

潛確類書

嘉魚洞

在州南七十里西流河崖畔秋冬水涸則魚藏春夏水漲

則魚出味美似鮓所謂出自沔南之丙穴即此

雍勝畧○按丙穴應在褒沔之間今

漢江南北魚洞不一其處蓋地氣相類故魚自穴出者多而人皆欲假丙穴以美其名如州境之嘉魚洞畧陽之仁景山皆紀載之失實者也

龍頭山

本名馬面山

在州東南二十五里舊名馬面山後以山形崖峇有

似龍首改今名

府志

石門洞在州東南三十里

州志

天臺山

在州東四十里頂平如臺勢凌霄漢濛濛烟霧夜雨朝晴

府志

燕子洞

在州東七十里秋冬燕子蟄於其內

雍勝畧



鳳凰山 在州東九十里州志

五丁山 在州東北四十里其峽曰金牛峽又名五丁峽賈志○詳見圖考

玉簪山一名鷄冠山 在州東北六十里州圖 山有要領亭爲一郡登覽之要

其後最高處曰鷄冠山州志

天池山 在州東北七十里層巒疊嶂迥出群峰其上有池四時不

涸有寒氣逼人莫敢近近則雷雹立至府志

寨子山 在州東北八十里崖畔有洞昔人避兵立寨其上州志 山有

洞中有小池方五尺許山趾有泉卽洞中水伏行至此每歲驚蟄

後魚自泉出者無數居民候而取之又有南白崖洞在大安軍東

八十里寬厰可容千人又有九子崖洞在軍東九十里相傳有九

人修道於此輿地紀勝

龍泉山 在州東北百里州圖 溫水溪出此半山有泉水湧地中漩沙



而出

輿地紀勝

龍洞

一在州東北百里自高而下九丈餘洞門三十重皆有二石

柱爲之障限內有天生石牀俗呼爲龍牀牀下有水不竭遇旱取水雨卽至一在州西百五十里洞出崖間有天然石梁如龍門狀

中有石像

府志

西漢水

卽嘉陵江

在州西北百里自畧陽界流入又西南入四川廣元界

州西漢水自合北谷水又西南逕關城北除水出西北除溪東南

流入於漢漢水又西南逕通谷合通谷水水出東北通溪上承漾

水西南流入西漢水又西南寒水注之又西逕石亭戍廣平水東

南流注之

水經注○關城卽今陽平關在州西北

嘉陵江經金牛縣西去縣三十里

元和志○金牛

嘉陵江在三泉縣西半里

寰宇記○三泉故城在州西北

金牛鎮

嘉陵江

九域志○詳見圖考按庾仲雍曰漢水自武遂川南入蔓葛谷越野牛逕至關城合西漢水禹貢錐指謂此



水經注之通谷水也疑卽  
今之燕子河然無可考

安樂河 在州西百三十里東南流合嘉陵江府志

黑水河 在州北其水入嘉陵江又老兵河在州北百里發源老君

鋪流合黑水河州冊

燕子河 在州北百二十里其水西入嘉陵江府志

廣平河 在州西北陽平關西其水南入嘉陵江州志廣平水西出百

頃川東南流注漢水經注

青木川 在州西三百里接蜀之龍安平武縣界其水入嘉陵江州志

黃壩河 在州南百里源出牢固關西南流四十里入廣元界州冊

西流河卽寒水一名韓溪在州南六十里其水西流入川江府志寒水東出寒

川西流入漢水經注韓溪水源出崑山里鏃洞山下俗傳蕭何追韓

信至此因名韓溪蓋卽寒水以聲近而誤也輿地紀勝西流河源出七



眼洞逕麻線灘

一百十里入廣元界

州冊○按此皆以為即古之寒水然與水經注入漢之序

合頗不

漢水

一名漾水一名沔水

在州東北東南流入沔縣界

州圖

山海經所謂漢出鮒

鯿山也東北流得獻水口漢水又東北合沮口同為漢水之源水經

注

嘗登蟠冢山有泉涓涓出山間是為漢水之源即安國傳所謂

泉始出山為漾者也

宋陸游文集

出沔縣西門曲折行亂山中沔水流

經其中西涉沮水抵大安驛沔沮之間濶者未丈許狹者才二三

尺沙石磷磷深不沒踝自大安西南亂山益稠至金牛驛北望蟠

冢義然雲表一小水自西東流即所謂蟠冢導漾者也水纔濫觴

不沒鳬雁合五丁峽水東流為沔其流始大又自寧羗州行十里

渡水過百牢關關下有分水嶺嶺東水皆北流至五丁峽北合漾

水入沔嶺西水皆南流逕七盤關龍洞合嘉陵水為川江

王士正蜀道圖



程記○詳見圖考按嶓冢山有二一在本州一在秦州在本州者東漢水之源也在秦州者西漢水之源也自常璩以沔出嶓冢為西漢水而兩漢水之源益多紛錯惟禹貢雖指盡掃羣疑一以經文為主至為了當今從之

大安河

在州東北八十里源出畧陽界逕火燒關南流入漢

州冊

瀕倉河

一名東流河一名三泉水

在州東北九十里大安鎮東門外逕鐵佛寺東

流四十里入漢一名東流河

州冊○按此即沔縣之三泉水

玉帶河

在州城北

州圖

源發州南箭竹嶺流逕城西而北而東復會

於東南盤曲若帶圍然又東至沔縣入漢又有洄水河在州西二

十里源出牢固關曲折南流十五里合於玉帶河

府志

一名羅村河

在州北源出牢固關東流入漢又有白崖河在縣東北九十里源

出林沾溝流三十里入玉帶河

州冊

蓮花池

在州西門外南山如屏障小山聯絡如畫灘聲清響如雜

管絃

府志



黑龍池 在州東四十里烟霧常騰俗傳昔有黑龍潛此府志

寒水泉 在州東陽和門外又活水泉在州南南薰門外府志

附考嘉牟水源出朝天泊自分水嶺流至寶界院下又有水南溪水

合流至西縣入漢江輿地紀勝○按唐嘉牟故城在州南西縣故城在今沔縣則嘉牟水疑即玉帶河水然無

可考上青河在州北百里其下流為下青河府志○按此水無考疑即嘉陵之別名

沔縣

定軍山 在縣東南十里兩峰對峙山下有坡可駐萬軍蜀將黃忠

斬夏侯淵於此雍勝畧定軍山北臨沔水華陽國志沔陽城南對定軍山

水經注○沔陽故城在縣東西縣有定軍山隋書地理志○西顧璘云武侯兵

書匣在定軍山上壁立萬仞非人跡可到余兩經其地初視匣其

色淡紅後則鮮明若更新者殆不可曉隴蜀餘聞今山下有諸葛武侯

墓雍大記



卧龍山 在縣北一里東連百丈坡上有蓮花池池上舊有卧龍亭

記 雍大

烽燧山 一名走馬嶺 在縣西一里漢時嘗置烽埃於其上或又名走馬嶺

縣志

玉簪山 在縣西南一里陟其巔則并邑畢見 府志

鐵山 在縣北五里宋隆興間姚仲置寨於此以禦金人 府志 其相近

有龜山 縣志

北山 在縣北十五里相傳為魏武屯糧處 縣志

雷公山 在縣北二十里上有元嶽觀時聞雷聲殷殷出其間 府志

石頂原 在縣北百里有關接鳳縣界 縣冊○按雍勝畧作縣南三十里誤

大丙山 小丙山 丙一作景 在縣西北八十里兩山相連 縣志 嘉魚出於丙

穴 蜀都賦 丙穴在漢中沔陽縣有魚穴二所常以三月取之 劉涓子注嘉



魚出於沔南之丙穴

朱子詩傳

大丙山在沔縣唐避諱改丙曰景每歲

春時有魚長八九寸從山穴中出即丙穴也

潛確類書○按水經注丙水合於襄水則

當以在襄城者為是而據劉注朱傳則當在縣境合沮也姑兩存以俟考

潭毒山

在縣西北八十五里

縣志

在舊大安軍之王泉今沔縣地宋

紹興三年金撒離喝入興元劉子羽築壘於此以扼之

雍大記○舊大安軍

三泉故城俱在今縣西南接寧羗界

馬鞍山

在縣西北百五十里

縣志

今屬畧陽境

縣志

鳳凰山

在縣西北百八十里以形似名

府志

今屬畧陽境

縣志

白馬山

在縣西五里

輿地紀勝

瀘水南逕張魯治東水西有山庾仲雍

謂山為白馬塞

水經注

西縣白馬山張衡家傳云衡於瀘口升仙時

乘白馬後人遙望山上往往有白馬因名

寰宇記

堆山

在縣西七十里

縣志



漢王山 在縣西百里接寧羗界縣志

黃土嶺 在縣西南七十里接寧羗界縣志

普明山 在縣西南九十里縣志

蟠冢山 在縣西南百十里接寧羗界縣志西縣有蟠冢山隋書地理志○詳見

圖考

魚山 在縣南五里又縣南十里有旗竿山縣志魚山在沔水南府志

卓筆山 在縣南二十五里峰巒削起如筆架下有聖水亢旱不涸

宋元時禱雨多應府志在西縣南二十里泥潭谷中一峰削出有如

卓筆因名輿地紀勝其地名龍門鄉山中有泉元一統志

龍門山 在縣南六十里石穴高數十丈其狀如門縣志在官道傍懸

壁環合上透碧虛中敞大洞下漱清泉水簾懸夏水柱凝冬宋文

潞公宋景文趙清獻公王素韓絳呂况呂公弼呂大防皆有留題



行三里又有後洞蘇元老龍洞記自利至興行五百里幾半蜀道

而巖洞之可喜莫如龍洞重簷厦屋深不可測何景明仇龍門山池諸山記

東南去軍城十里又大安軍有龍尾灘由鳳州入閬州之道也宋

開禧中四川帥安丙殺楊巨源於此或曰卽龍尾坡矣大安軍志

天盪山 在縣東六十里連接米倉山山上有淮陰侯廟又縣東八

十里有鷄公山府志

武興山 在縣東北十五里東臨舊州河西接百丈坡元褒州城在

此又百丈坡在縣東北二十里縣志由鳳縣南桑坪舖而入至百丈

坡而出路長二百里爲古陳倉道今荒塞興程記

灌子山 在縣東北三十里山有廟其下有泉可灌故名府志

蓬山 在縣東北五十里縣冊在西縣東北黃沙谷口上有洞穴其相

近有鷄鳩嶺輿地紀勝



雲濛山一名雲霧山在縣東北七十里一名雲霧山相傳徐佐卿駕鶴飛

昇於此昔有飛仙閣百餘間久廢其山四時雲霧濛濛盤亘數百

里中有故縣故關遺址府志○按此與畧陽之飛仙嶺所傳頗相類疑連亘或卽一山不則所傳必有一誤

附考西縣有百牢山街亭山隋書地理志縣境有乾龍洞仙人洞仙女洞

漢中府志○按山洞俱無考

漢水在縣城南亦曰沔水自寧羗界流入又東入褒城界縣冊浮于

潛逾于沔書經禹貢漢上曰沔孔傳秦祠沔於漢中漢書郊祀志北方人謂漢

水爲沔水如淳注沔水東南流注漢曰沮口所謂沔漢者也又東逕

白馬戍南瀘水入焉又東逕武侯壘南又東逕沔陽故城南又東

逕西樂城北容裴溪注之又左得度水口又東右合溫泉又東黃

沙水注之水經注○西樂故城在縣東南西縣有漢水隋書地理志漢水去鐸水縣一

里元一統志○鐸水故城在縣東南明珠曲亦曰明支曲在縣南卽漢江洄曲處



縣志○詳見圖考

大安河

在縣西九十里逕大安驛南流入漢

縣志

在縣西北源出畧

陽逕火燒關南流入漢

府志

三泉水

在縣西八十里其水南流二十里入漢

縣志

在三泉故縣北

二十里山下縣以此名

寰宇記

在大安軍東門外瀕江石上有泉三

泓大如車輪品列鼎峙泉流涓涓下注水旱無盈縮

輿地紀勝

白巖河

在縣西八十里西北流入於漢又有渭溪溝北流入於白

巖河

府志

藍溪溝在縣西南六十里源出永興庵山下西流入白巖

河又韓溪溝在縣南源出五塊石嶺下北流入白巖河

縣志

蔡垣河

在縣西五十里南流入漢

縣志

沮水

在縣西三十里源出鳳縣南流合於漢即沔水也

府志

漢沔會

流處岸上有石銘云下至水府三十一里傳為李斯刻石

述異記



水出縣北百八十里母豬山南流逕縣北又南入漢沮口一名鼻

口縣志

桑園溝水 在縣西南十五里北流入漢府志

白馬河即澧水一名龍門溝在城西三十步出龍門溝南流入漢府志澧水北發

武都氏中南逕張魯城中又南逕張魯治東對白馬城又南流入

沔謂之澧口水經注。漢沮縣屬武都郡。即今畧陽。晉永嘉後入氏。澧水源出西縣北四十

五里獨石谷南流逕縣西二百步注漢水寰宇記龍門溝在縣西北

一里即白馬河也東為卧龍山西為烽燧山其中如門故名府志

龍王溝水一名聖水又名清泉水又 在縣南二十里源出卓筆山一名清泉水縣志

即聖水也北流入漢府志

舊州河即度水在縣東二十五里源出百丈坡南流入漢府志度水出陽

平北山水有二源一曰清檢一曰濁檢度水又南逕陽平縣故城



東又南逕沔陽縣故城東而南流注於漢水

水經注。陽平故沔縣在今縣東北。

陽縣有度水

巴漢志

養家河

即容裴溪一名洛水

在縣南源出巴山其水東北流入於漢

府志西樂城

在山上有谷謂之容裴谷有容裴溪俗謂之洛水水南遵巴嶺山

東北流又北逕西樂城東而北注於漢

水經注

西縣有洛水

九域志養

家河自襄城界大鐵廠來逕縣之鎮阜川北流至黃沙驛入於漢

又黃壩河自老龍池流三十里入養家河

縣冊。按此與寧羗之黃壩河源流各別非一

水也

金泉水

在縣東南四十五里

縣志

漢水又東右會溫泉水口水發山

北平地方數十步泉源沸湧冬夏湯湯望之白氣浩然言能瘥百

病浴者皆有硫黃氣池水通注漢水

水經注

溫泉在西縣東南三十

五里鳳凰山南

輿地紀勝。按金泉疑即溫泉



黃沙河 在縣東四十里源出雲霧山南流至襄城界入漢府志黃沙

水北出遠山山谷邃險人跡罕及谿曰五丈谿水側有黃沙屯其

水南注漢水水經注西縣有青羊峽黃沙水所出輿地紀勝

雪公潭 在縣東縣志在西縣東百餘里山崖斷絕溪水隨注輿地紀勝

東池 在縣東三十里汚水所溢相傳為唐賈島避暑之所縣志

沒底泉 沒一作莫在縣東南四十里泉出不竭縣志

畧陽縣

鳳凰山 一名三峯山一名巾子山在縣東一里縣志一名三峯山首冠羣山高聳萬

仞卓然壁立有楊難當祠又有對融山在鳳凰山後元一統志鳳凰山

一名巾子山勢如鳳翔方輿勝覽山半有洞名朱砂洞寰宇記鳳山傳聞

曾有鳳集其巔又相近有獅山山形如獅子蹲踞上有廟又象山

在縣城北俯瞰城中明知縣牛問仁創建石城於山上可以守望



府志

龍泉山

在縣北十里與鳳凰山對峙

縣志

天池山

在縣北四十里山巔有池方一畝水深丈許冬夏澄泓

府志

八渡山

在縣北七十里四面險阻林木幽深山溪交萃路列三岐

要害之區也

府志

山接徽縣界爲徽鳳要路

縣志

玉屏山

在縣北八十里與石門相對有宋歐陽詹棧道銘刻於石

府志

青野原

在縣北宋紹興三年吳璘拒金人駐青野原卽此

縣志

朝陽洞

一名藥水洞

在縣北百二十里白水江邊懸崖間一名藥水洞有

佛宇其內有鍾乳石蓮花盆承石上水飲之已疾左壁瀑布十餘

尋又雷洞深不可測中殷殷有聲又風洞外狹內廣時有風出又

雨洞則嵌空玲瓏頂覆千葉石蓮有水四時傾瀉傳爲勝槩

府志



八盤山 在縣北百三十里縣冊

青泥嶺 在縣北百五十里古棧道也後改道於白水江府志長舉縣

有青泥嶺九域志○長舉故城在縣北懸崖千仞上多雲雨行者多逢泥淖故

名潛確類書烏龍洞在縣北百五十里中川之岸洞門僅容一人及入

則寬廣深邃洞後水勢橫流莫知首尾或謂之龍潭縣志

寶虹山一作保公在縣西北三十里一作保公山縣冊在且口沿江迤西約

五里許府志

分水嶺 在縣西北八十里嶺下水流分東西因名縣冊

保福山 在縣西北百十里白水江北又相近有殺金嶺其傍地名

殺金坪宋紹興四年吳玠守殺金坪以拒金人即此縣志殺金坪在

長舉縣境方輿勝覽

寶子山 在縣西北縣圖在長舉縣西半里隔嘉陵江相傳其山產金



寶故名又天窻山在長舉鐵務壁上有穴如窻又萬仞山在長舉

縣後蒼崖架日危峰矗雲上有白起寨下枕嘉陵江有關元一統志

落叢山

在縣西北縣冊

在鳴水縣西北十四里

寰宇記。按周武帝改落叢郡以是名也

鳴水故城在縣西

接溪山

在縣西北縣冊

在長舉縣西北五十三里

元和志

龍山

一名盤龍山

在縣西五里山形天矯下有泉水灣環狀如盤龍

方輿勝覽

一名盤龍山

元一統志

三公山在縣西五里上有王夫人墓以三子貴

故名

府志

堡子山

一名走馬嶺

在縣西二十里宋吳曦屯兵其上故名

賈志即走馬嶺

也又縣西三十里有白崑兩崖夾對屹立百尋江水從中流出

縣志

按鳳縣南堡子山亦傳為吳曦屯兵處未知孰是存考

相公山

在縣西六十里唐權德輿舊有別墅因名

府志



廚山 在縣西冊在鳴水縣南三里崇峻幽深元和志長舉縣有廚山

九域志

太白洞 在縣西百二十里西淮壩內有龍湫禱之則雨府志

角弩谷 在縣西接階州界宋元嘉十一年蕭承之破楊難當追至

角弩谷即此縣志

寒蓬山即寒山在縣西南百里周一百六十里高三十餘里山常積雪

有泉甚甘冽府志寒山在縣南百里元一統志

玉文山 在縣南二里又文筆山在縣西南三里一名靈峻山孤峯

卓立山阿有武都王廟廟傍有石符旱禱於廟印符取泉雨隨至

府志一名雨號山縣志

藥水巖一名靈巖在縣南七里嘉陵江上府志去沔州城七里南有二石洞

洞門有泉能療疾方輿勝覽。宋改武興為沔州即今治一名靈巖兩洞之間有一



泉西流入嘉陵江謂之藥水飲之愈疾上山約五里又有一洞謂

之石乳洞容二千人前有一泉不竭元一統志羅漢洞在靈巖寺南溪

十餘丈濶數尋後又有邃穴深不可測中有石柱洞之左即藥水

巖名山記

浮圖山 在縣東南三里卓然獨秀狀若浮圖輿地紀勝

玉女山 在縣東南三十里雍勝畧山高千仞雲霞映之不見其巔山

半有白石如人冠冕坐於崖間前有白石數層如人侍立狀名山記

飛仙嶺 在縣東南四十里賈志在沔州東三十里相傳徐佐卿駕鶴

昇仙之處因名上有閣道百餘間即入蜀大路方輿勝覽此路舊從西

縣過經由沮水宋太平興國五年移改於是嶺元一統志西

大丙山丙一作景在縣東南縣志山下有石洞曰丙穴又小丙山與大丙山

並峙縣志順政縣有小丙山有穴杜氏通典順政故城即今治水經注褒水東南得丙水口則丙



山當去褒水不遠辨見沔縣

大景小景二山在順政縣東南七十里本名丙唐

諱丙故曰景其山峻崖南北相對濶七步其崖峻峭高百餘丈山衣石髮被於崖際北有穴方圓二丈餘土人相傳為丙穴沮水經穴門而過或謂之大丙水每春三月上旬有魚從穴躍出謂之嘉

魚寰宇記

大唐峰

在縣東南唐光啓三年詔都將李鋌屯兵大唐峰以拒王

行瑜兵卽此

縣志

大寨嶺

在縣東南接沔縣界

縣志

武興山

在縣東三里山連武興城故名

府志

武興山在州西一里古

興州城於此

方輿勝覽

橫嶺山

在縣東二十里

府志

鷹嘴山

在縣東二十七里壁立千仞中有一峰曲如鷹嘴

元一志

石



馬洞在縣東三十里洞內有石如馬又魚洞在縣東四十里洞口

徑二尺清水淪漣每逢穀雨多魚湧出非時而出歲輒不登府志

白熊山 在縣東八十里昔有白熊出此雍勝畧

陽山 在縣東百里縣志

冉家山 在縣東北二里相傳為晉穆帝時魏主冉閔故址府志山勢

起伏羣峰環拱賈志

石鑑山 在縣東北縣志在長舉縣東五十餘里山崖當中一石片方

廣尺餘光明可鑑縣志

思宜山 在縣東北縣志在廢長舉縣東八十里高秀出於羣山縣志

西漢水一名嘉陵江在縣城西自成縣流入又南入寧羗州界縣圖西漢水

自會修水又東南於槃頭郡南與濁水合又東南歷漢曲逕挾崖與挾崖水合挾崖水西出檐潭交東流入漢水又東逕武興城南



東南與北谷水合又西南逕關城北水經注。槃頭故郡在縣北關城即今陽平關在寧羗州

元和中節度使嚴礪自長舉縣西疏嘉陵江二百里唐書地理志嘉陵

水經長舉縣南十里又經順政縣南百步元和志西漢水在西和縣

源出蟠冢山西流雍大記犀牛江在縣西北百二十里又名東西淮

自階州東流入嘉陵江雍勝畧犀牛江源發禮縣自西淮而下舟楫

可通流至兩河口合嘉陵江又石門河在縣西八十里源發白馬

關至江口入淮河府志。詳見圖考按嘉陵江源有三西和縣之西漢水一也成縣之濁水二也鳳縣之故道水

三也考水經注及禹貢雖指皆以自西和流逕禮縣成縣者為嘉陵正源即所謂淮河者也乃今皆以淮河為犀牛江而以濁水故

道水羣目為嘉陵江是循流而忘其源矣如雍勝畧府志皆沿其誤茲特為正之

故道水 在縣北百二十里自大散關分水嶺之南逕東河驛鳳縣

又逕徽縣至大魚關可通舟楫又至縣北合白水江又至兩河口

合淮河又合橫現河逕縣城西南又合夾渠八渡二水又合樂素



河逕陽平關至廣元縣入蜀縣志

白水江即濁水

在縣北百二十里

縣志

濁水自合故道水又南逕槃頭郡

東而南合鳳溪水鳳溪水上承濁水于廣業郡南逕鳳溪鳳臺

下東南流左注濁水又南注漢水

水經注

長舉縣有鳳溪水

隋書地理志

左溪水在鳴水縣西南七里自栗亭縣北來合于嘉陵江

寰宇記

青泥河

在縣西北百五十里源發成縣至石門入嘉陵江

府志。按左溪

即鳳溪疑即此水

橫現河

在縣西十五里其水東南流入嘉陵江

府志。按此疑即水經注之挾崖水

八渡水

即北谷水一名黃坂水

在縣東八十步源出退水河自徽州來經城西

南入嘉陵江

雍勝畧

北谷水出武興東北而西南流逕武興城北又

南轉逕其城東而南與一水合水出東溪西流注北谷水又南流

注漢水

水經注

黃坂水在順政縣東一里

寰宇記

一百八渡水源發三



川衆水合流經一百八渡遷城東南會夾渠水入嘉陵江其夾渠

河在縣東二里源發飛仙嶺西流入八渡河府志。按八渡河即水經注之北谷水寢

宇記之黃坂水而夾渠水即水經注之東谿水也

落索河落索一作樂素在縣南八十里其水東南流入嘉陵江府志

沮水一名鐸水河又名黑河在縣東百二十里一名鐸水河俗稱黑河東南流

入沔縣界縣志沮縣沮水出東狼谷南至沙羨南入江漢書地理志沮縣故城

在縣東沙羨今屬湖廣漢陽縣沔水出武都沮縣東狼谷中一名沮水關駟曰以

其初出沮洳然故曰沮水縣亦受名焉導源南流泉街水注之又

東南經沮水戍而東南流注漢曰沮口所謂沔漢者也水經注。按水經注

亦以沮水為漢源沮水出順政縣東北八十二里元和志順政縣有沮水九域

志水源出紫柏山至沔合漢府志

泉街水在縣東北縣圖河池縣泉街水南至沮入漢漢書地理志。河池今屬鳳縣



泉街水自河池縣東南流入沮縣會于沔

水經注。按此或以爲即東谷水考元一統志

東谷水在長舉廢縣後三百步自畧陽界來合嘉陵江則東谷水非入沮之水也以爲即泉街水者恐誤

養魚池

在縣東五里相傳爲吳曦養魚處甃石尚存

府志東池在沔

州城東三里

方輿勝覽。按養魚池疑卽此

金池

在縣東北八十里金池院中昔人淘金成池故名

縣志

榆林府榆林縣

駝山

一名東山

在城東城半踞其巔高數十丈俗呼爲東山土人多穴山

居之山形類駝鎮之得名駝城以此又山之西有堡兒山三峰翼

然其上有塔名文筆峰又堡兒山北爲廟兒梁有蔣三尹賢墓

延綏

志

土山在榆林城中山上舊有烽墩後移於北城外半里

雍大記

馬神山

在城東北二里秋祭馬神於此

潛確類書

山

一名紅石峽

在城北十里

縣志

山皆紅石地近沙阜因築紅山墩

潛確類書



山環列若屏障落日照之如霞起其上有欵貢城鎮北臺易馬臺

紅山兩崖飛湍電轉紅影外浮一名紅石峽昔夏李繼遷葬其祖

障水別流鑿石為穴既葬復引水其上疑即此中有寺複道飛簷

望之如畫榆柳陰映鳬鷺啞啞榆溪漳河之水所自出也越榆溪

而西為十里沙風吹日映色如龍鱗逶迤十餘里抵黑山延綏志峽

在紅山墩左雍勝畧

黑山 在城西十里縣圖水草茂北人內侵必駐此以便水草雍大記

明巡撫余子俊築塞堡植柳萬株其下賈志

王墓山 在城西南十里縣冊在黑山南十里有斷碑字已磨滅相傳

為夏元昊祖墓延綏志

木礪神山 在城南五十里延安府志去半坡峰十里成化時有妖神棲

此立廟祀之後有道士經此曰祟也書符咒之廟中隱有哭聲即



日焚其祠崇遂殄息

延綏志

嗣武城山

在城南百三十里

縣志

在魚河堡南五十里由石磴而止

四面石巖高百丈舊爲羅兀城

延綏志

馬湖峪

在縣南無定河西接米脂界

縣志

萬佛洞山

在城東南十三里孤峯特起其北十餘里有凌霄塔又

二十餘里有炭山又二十里有半坡峯

延綏志

羊羔山

在城東南五十餘里

縣志

山在木礪神山東又南十里有暖

泉山

延綏志

石盤山

在城東二十里

延安府志

葭蘆川

卽諸次水今名沙河

在縣東又東南流入葭州界

縣志

諸次之山諸次之

水出焉而東流注於河

山海經

水出上郡諸次山東流逕榆林塞卽

漢書所謂榆溪舊塞也其水東入長城小榆林水合焉歷澗西北



窮谷其源也又東合首積水水西出首積溪東注諸次水又東入

河水經注

葭蘆水源出平地寰宇記沙河源出雙山堡西北即真鄉之

葭蘆河也南合堡東宋家河又南合謝家莊車道溝水又南至投

河合關家川水過柳樹會又南合真鄉川水抵通秦寨流石峽中

合五女川為葭蘆河至葭州城南入黃河

延綏志○真鄉縣今屬葭州按水經注諸次水

即榆溪延綏志謂為今西河而或以沙河至葭州入河者為諸次水以西河至魚河堡入無定河者為帝原水與延綏志異而與酈

氏水道合從之

無定河 在縣西南自懷遠界來逕魚河堡與西河合又東南入米

脂界縣冊

奢延水又東逕膚施縣合帝原水又逕膚施縣南

水經注漢膚

施縣今屬綏德州

西河

即帝原水一名榆溪

在城北十里

縣圖

膚施縣有帝原水

漢書地理志

帝原水西

北出龜茲縣東南流又東南注奢延水

水經注○龜茲故城在縣北

西河在鎮



城西卽榆溪源出塞外葫蘆海南合獐河其水源出常樂堡西注榆溪又南流入紅石峽水自石崖流下陡落數千仞匝隍塹於城西遂爲西河芹河之水入焉龍王泉又東北來注之又少南鍾家溝水在衛南西注之又南五里屈而東流得響岔橋合劉指揮河又柳河水自西南注之又南得三岔川又東南十里駙馬井水注之又南五十里得黑河水至鎮川堡入無定河

延綏志

芹河

在縣西

縣圖

源自塞北有湖隨山勢曲折兩岸芹藻繽紛故名

經魚溝子入垣東抵後西門入榆溪

延綏志

小芹河在保寧堡東北

源出草地東南流入邊又東南入西河又有小沙河在小芹河之西亦自塞外流入合於小芹河

縣冊

龍王泉水

一名南門河一名南泉

在城中自山半湧出匯而爲池疏而爲竇周

灌城中鎮人所汲養也嚴冬蒼勃水氣如蒸又西南入西河一名



南門河又名南泉又一自鐘樓街中出者為北泉渟滯不流其上

皆有龍王廟故名

延綏志

劉指揮河

在縣南

縣志

源出衛東北水掌兒西南流抵藍家橋入西

河

延綏志

柳河

在縣西南十五里

縣志

源自西南入西河長湖數頃其地可耕

成化中植柳數千株萬曆中剪伐殆盡

延綏志

三岔川

在縣南二十里

縣志

川納石窰溝水又納焦家川水又納紀

家灣水自川東李三家溝而上得鐵爐莊又東得殺草灣石窰水

之源也又自殺草灣至張官兒峁之東得劉家灣焦家川水所發

而會於紀家灣同注於西河

延綏志

黑河

在城西南五十里東入西河

縣志

楊官海

在城西二十里又西十里曰方家海又西十里曰酸梨海



又稍南曰天鵝海凡水之所會渟而不流者邊人通謂之海水不大而海之者渟之盛也

延綏志

懷遠縣

龍鳳山

在縣西南十五里

縣圖

牛心山

在縣西南

縣圖

在威武關東十餘里又牛心山西二十里有

赤木山

延綏志

狄青原

在縣西南五十里

縣冊

在威武堡南十里明成化二年總兵

楊信破北兵於此

延綏志

橫山

在縣西南卽古橋山接安定縣界宋元豐中种諤上言橫山

延袤千里多馬宜稼且有鹽鐵之利其城壘控險足以守禦卽此

縣冊

馬鞍山

在縣東南

縣圖

在土門砦北五里

延綏志



五龍山

五一作鳥

在縣東南波羅堡南三十里一名烏龍山

縣冊

無定河

即生水一名朔水一名奢延水俗名混忽都河

在縣北

縣冊

赫連勃勃於朔方水北黑

水之南營都城

晉書載記

奢延水西出奢延縣西南赤沙阜山海經所

謂生水出孟山者也俗謂之奢延水又謂之朔水東北流逕其縣

故城南又東北與溫泉合又東黑水入焉又東合交蘭水又東北

流與鏡波水合

水經注。奢延故城在縣西北

朔方縣無定河一名奢延水源出

縣南百步

元和志。唐朝方故城在縣北

混忽都河出龍州堡南宜家畔合城北

烏龍洞泉及城西水東流四十里清平水北注之又東柳泉兒水

北注之又東狄青原水北注之又過響鈴塔威武堡暗門水出其

東又海棠河及東西二河俱出鎮靖堡塞外東流注之又東過懷

遠堡苦水川合園水會之爲無定河至波羅堡北折而南流黑木

頭溝水鮑家寺水東注之又過響水堡東入榆林界其園水出清



平堡外白城兒東流合夏河兒入波羅堡與滉忽都河會。延綏志按圖

水據水經注在舊園陰縣南入河不入奢延水而唐志則云銀州東北無定河即園水疑亦即指此水附以存考

石窯川即黑水又在縣北縣圖赫連勃勃於黑水之南營都城晉書載紀黑

水出奢延縣黑澗東南歷沙陵注奢延水水經烏水出朔方縣烏

澗本名黑水避周太祖諱改名元和志石窯川在威武堡北塞外東

南流逕懷遠堡為亂窯川河又有打狼河自塞外南流逕堡東入

焉又東南逕波羅堡入滉忽都河縣冊○按石窯川打狼河及園水俱自邊外流入

黑木頭溝河在縣東南四十里源出威武堡鄧家塢王家塢逕縣

境五龍山至鮑家寺合寺子溝水又至響水堡合於無定河縣冊交

蘭水出龜茲交蘭谷東南流注奢延水水經黑木頭溝鮑家寺水

在波羅堡東注滉忽都河延綏志○按此疑即交蘭水

大理河在縣東南百五十里自清平堡南東流合小理河逕縣境



一百里入綏德州界又小理河在縣東南百二十里源出清平堡

東老虎塢東流至巡檢司溝合於大理河逕縣境六十里縣冊

附考溫泉西北出沙溪而東南流注奢延水又鏡波水源出南邪山

南谷東北流注奢延水水經注。按此二水無考

定邊縣

冢嶺一名南梁山在縣東南六十里縣冊在甄井堡南俗呼南梁山有洛水

出焉又北極山與冢嶺相對一峯巋然望之若虬龍奮迅而上延安志

志

黃羊嶺在縣東南九十里甄井堡南為要地又其西為鐫天嶺縣冊

白露山在縣東南百三十里又其東有桃林山又東有亂石山縣冊

桃林山在新安邊堡東又南十里為紅麋山延綏志

洛水在縣東南百五十里縣圖晉文公攘戎居于河內圍洛之間史記



傳匈奴洛水在冢嶺下延綏志洛水源出瑠璃廟石縫中東南流逕頁

水川合鐵鞭城水入保安界縣冊○按洛水自慶陽府安化縣發源則此蓋洛水之別源也

三山水 在縣西南百里源出三山兒東西二岔合石澇池水逕饒

陽堡饒家水東注之又南入北蕭關合木瓜城水黑城子水跌角

城水沙家掌梁家溝水汝麻臺水塔兒掌水入紅城子經環縣西

南即馬嶺水上源也縣冊

鹽池 在縣西北鹽場堡北縣圖長澤縣有胡落鹽池唐書地理志○長澤縣今屬靖

邊原屬靈夏衛嘉靖九年總制王瓊改屬本衛池周圍三里許中

有井引水溉畦一夕視之若積雪此九種之一也又其東南有澇

池鹽池水鹵不可飲澇池水可飲堡人汲者便之又二池之西為

寧夏境延綏志○按地理通釋漢於上郡龜茲縣置鹽官疑即此

靖邊縣



文昌山 在縣治西北山脉自太白來上有文昌閣故名又太白山

在縣西南里許文昌山西縣志與菽麥城相接皆宋范龍圖所築延綏

志

蓮花山 在縣西南寧塞堡南十五里縣志宋范龍圖立寨於此山有

駙馬洞相傳姬駙馬居此延綏志

飲馬坡 在縣西南四十里縣志

鶯窩山 在縣西南又其西有鳴羊山縣志鶯窩山在寧塞堡西南二

十五里把都河北又有架砲山旗竿山俱在寧塞堡西南三十里

把都河南二山崔嵬並峙立有亭燧延綏志

牛頭坡 在縣東南九十里杏子河經此縣志

蘆關嶺 在縣東南九十里縣志在鎮靖堡東南接安塞縣界延水所

出延綏志



箭杆嶺 在縣東南龍州堡東南縣冊

草場山 在縣東八十里鎮靖堡西堡城所依縣冊

菽麥河 在縣東南十里菽麥城下北流至營北有紅柳河自寧塞

堡流入逕范老關西又東北至城北合流出邊東逕鎮羅鎮靖二

堡北又東至龍州堡合滉忽都河或曰滉忽都河有別源出靖邊

城西石頭溝東北流合城東之黑龍王溝而出邊入鎮羅界即此

又有海棠河在鎮靖堡北塞外東流至威武堡東入滉忽都河縣冊

把都河 在縣西南九十里源出柳樹澗至寧塞堡北合倪家溝水

出邊逕寧塞塘至紅柳橋入沙縣冊

周水河 在縣西南發源飲馬溝南流逕徐家臺入於保安之洛河

流一百五十里縣圖

杏子河 在縣南三十里發源總管塔南流逕牛頭坡又逕杏子城



西入保安界縣圖







